

Kámun chi Koa

- 1 Lín tiòh kámsiā SiōngChú, inūi l sī hó;
I ê chûài éngoán chûnchāi.
- 2 Lín tiòh kámsiā bān sîn ê sîn,
inūi l ê chûài éngoán chûnchāi.
- 3 Lín tiòh kámsiā bān chú ê Chú,
inūi l ê chûài éngoán chûnchāi.
- 4 Tiòh kámsiā hit ūi kiáⁿ tōa kîsū ê SiōngChú,
inūi l ê chûài éngoán chûnchāi.
- 5 Tiòh kámsiā hit ūi ēng tìhūi chhòngchō cheng
thiⁿ ê SiōngChú,
inūi l ê chûài éngoán chûnchāi.
- 6 Tiòh kámsiā hit ūi kā tē phō tī chúibīn ê
SiōngChú,
inūi l ê chûài éngoán chûnchāi.
- 7 Tiòh kámsiā hit ūi chhòngchō tōa kngthé ê
SiōngChú,
inūi l ê chûài éngoán chûnchāi.
- 8 I chō jítthâu koánlí jítstî,
inūi l ê chûài éngoán chûnchāi.
- 9 I koh chō goéhniū kah chheⁿsîn koánlí àmmê,
inūi l ê chûài éngoán chûnchāi.
- 10 Tiòh kámsiā hit ūi phah sí Aigip lâng ê
thâuchiūⁿ'á kiáⁿ ê SiōngChú,
inūi l ê chûài éngoán chûnchāi.
- 11 I chhōa Isulael lâng tùi Aigip chhut lâi,

感恩之歌

- 1 Lín tiòh 感謝上主，因為祂是好；
祂 ê 慈愛永遠存在。
- 2 Lín tiòh 感謝萬神 ê 神，
因為祂 ê 慈愛永遠存在。
- 3 Lín tiòh 感謝萬主 ê 主，
因為祂 ê 慈愛永遠存在。
- 4 Tiòh 感謝 hit 位行大奇事 ê 上主，
因為祂 ê 慈愛永遠存在。
- 5 Tiòh 感謝 hit 位用智慧創造眾天 ê 上主，
因為祂 ê 慈愛永遠存在。
- 6 Tiòh 感謝 hit 位 kā 地鋪 tī 水面 ê 上主，
因為祂 ê 慈愛永遠存在。
- 7 Tiòh 感謝 hit 位創造大光體 ê 上主，
因為祂 ê 慈愛永遠存在。
- 8 祂造日頭管理日時，
因為祂 ê 慈愛永遠存在。
- 9 祂 koh 造月娘 kah 星辰管理暗暝，
因為祂 ê 慈愛永遠存在。
- 10 Tiòh 感謝 hit 位 phah 死埃及人 ê 頭 chiūⁿ'á
kiáⁿ ê 上主，
因為祂 ê 慈愛永遠存在。
- 11 祂 chhōa 以色列人 tùi 埃及出來，

- inūi l ê chûài éngoán chûnchāi.
- 12 l ēng tōa koānlêng ê chhiú, koh chhun chhut chhiúkut lâi chhōa in chhut lâi,
inūi l ê chûài éngoán chûnchāi.
- 13 Tiòh kámsiā hit ūi kâ Âng hái hun khui ê Siōng Chú,
inūi l ê chûài éngoán chûnchāi.
- 14 l chhōa Isulael lâng tùi hái tiong kengkòe,
inūi l ê chûài éngoán chûnchāi.
- 15 M̄ koh, l khiok kâ Hôaláu kah i ê kumpang sàu jip Âng hái,
inūi l ê chûài éngoán chûnchāi.
- 16 Tiòh kámsiā Hit Ūi ín chhōa l ê chú bîn kiâⁿ tī khòngiá ê Siōng Chú,
inūi l ê chûài éngoán chûnchāi.
- 17 Tiòh kámsiā hit ūi phah sí tōa kunông ê Siōng Chú,
inūi l ê chûài éngoán chûnchāi.
- 18 Tiòh kámsiā thâi sí kiôngbêng ê kunông ê Siōng Chú,
inūi l ê chûài éngoán chûnchāi.
- 19 l thâi sí Amôlī ông Sihông,
inūi l ê chûài éngoán chûnchāi.
- 20 l koh thâi sí Basiáng ông Ôk,
inūi l ê chûài éngoán chûnchāi.
- 21 l kâ in ê tē siúⁿsù hō l ê chú bîn chò sángiáp,
inūi l ê chûài éngoán chûnchāi;
- 22 iā tòh sī siúⁿsù hō l ê pòkjîn Isulael chò sángiáp,
inūi l ê chûài éngoán chûnchāi.
- 因為祂 ê 慈愛永遠存在。
- 12 祂用大權能 ê 手，koh 伸出手骨來 chhōa in 出來，
因為祂 ê 慈愛永遠存在。
- 13 Tiòh 感謝 hit 位 kâ 紅海分開 ê 上主，
因為祂 ê 慈愛永遠存在。
- 14 祂 chhōa 以色列人 tùi 海中經過，
因為祂 ê 慈愛永遠存在。
- 15 M̄ koh，祂卻 kâ 法老 kah 伊 ê 軍兵掃入紅海，
因為祂 ê 慈愛永遠存在。
- 16 Tiòh 感謝 hit 位引 chhōa 祂 ê 子民行 tī 曠野 ê 上主，
因為祂 ê 慈愛永遠存在。
- 17 Tiòh 感謝 hit 位 phah 死大君王 ê 上主，
因為祂 ê 慈愛永遠存在。
- 18 Tiòh 感謝 thâi 死強猛 ê 君王 ê 上主，
因為祂 ê 慈愛永遠存在。
- 19 祂 thâi 死亞摩利王西宏，
因為祂 ê 慈愛永遠存在。
- 20 祂 koh thâi 死巴珊王噩，
因為祂 ê 慈愛永遠存在。
- 21 祂 kâ in ê 地賞賜 hō 祂 ê 子民做產業，
因為祂 ê 慈愛永遠存在；
- 22 也 tòh 是賞賜 hō 祂 ê 僕人以以色列做產業，
因為祂 ê 慈愛永遠存在。

23 I tī lán pibî ê sî siàuliām lán,

inūi I ê chûài éngoán chûnchāi.

24 I koh chíngkiù lán thoatlī tùi ték,

inūi I ê chûài éngoán chûnchāi.

25 SiōngChú siúⁿsù chiáhmlh hō kiànnā ū hiátkhì
ê,

inūi I ê chûài éngoán chûnchāi.

26 Lín tiòh kámsiā thiⁿténg ê SiōngChú,

inūi I ê chûài éngoán chûnchāi.

23 祂 tī 咱卑微 ê 時 siàu 念咱，

因為祂 ê 慈愛永遠存在。

24 祂 koh 拯救咱脫離對敵，

因為祂 ê 慈愛永遠存在。

25 上主賞賜食物 hō 見若有血氣 ê，

因為祂 ê 慈愛永遠存在。

26 Lín tiòh 感謝天頂 ê 上主，

因為祂 ê 慈愛永遠存在。